

## **Polarleechter**

Musik: Mike Kremer, Text: Mike Kremer, Nils Schreiber  
© 2017 Edition Miljö / Edition Rhingtön, Koch Musikverlage GmbH

Un mer trecke üvver 't Land,  
üvver Felder, Berje, Täler un dä Strand  
Wä och et Lenkrad üvvernimp,  
die Stroß es frei, die Luff es klor, dä Kurs bestimp

*Oh - mer wolle nit vill  
Kein Ahnung, ävver e Ziel*

**Ich wollt schon immer de Polarleechter sinn - oh  
Et sin nor 30 Stunde Fahrt bes dohin - oh  
Ich wollt schon immer de Polarleechter sinn - oh  
Un mir fahre durch die Naach, denn hück es alles drin**

De Finster op, noch es et wärm  
un op dä Röckbank singe mir laut Ärm en Ärm  
Jeiht dann de Sonn op hingerm See,  
fahre mir bestimp schon Spure en dä Schnee

*Oh - mir wolle nit vill  
Kein Ahnung, ävver e Ziel*

**Ich wollt schon immer...**

Dä Motor us, jetz es et still,  
die Stroß es wieß, de Luff es kald, mer sin am Ziel  
Jo, he drop waade mir schon lang,  
dann fängk dä Himmel nor för uns zo leuchte aan